

# Siapa pencabar utama mahkota LIGA SUPER MALAYSIA 2014?

Siapakah yang benar-benar perkasa untuk merampas mahkota Liga dari LionsXII musim ini?

Antara pasukan pilihan sebelum musim bermula ialah Johor Darul Takzim, yang telah memperkuuhkan pasukannya bukan sahaja dengan dua pemain nasional Singapura Baihakki Khaizan dan Hariss Harun, malah telah mendapatkan khidmat bintang Argentina, Pablo Aimar, sebagai tenaga kreatif.

Sementara itu, dibimbang oleh jurulatih penuh karisma Robert Alberts, Sarawak bertanding semula dalam MSL setelah meraih promosi sebagai juara Liga Perdana. Pasukan Ngap Sayot dijangka memberikan saingan sengit.

**Norman Sawi** ([normans@sph.com.sg](mailto:normans@sph.com.sg)) mencongak kekuatan beberapa pasukan yang dijangka bersaing untuk merebut mahkota Liga musim ini.



## LionsXII

Nama gelaran: Lions  
Stadium Jalan Besar  
(8,000 penonton)

### 2013 - Juara

Jurulatih: Fandi Ahmad (Singapura)  
Pemain bahaya: Mohammad Khairul Amri  
Mohammad Kamal  
Pemain harapan: Hafiz Abu Sujad

Musim bola sepak yang menanti LionsXII tahun ini mungkin yang paling mencabar sejak 2012. Buat julung-julung kali, LionsXII bertanding tanpa pemain utama seperti Shahril Ishak, Baihakki Khaizan dan Hariss Harun. Pemain juga perlu menyesuaikan diri dengan corak permainan jurulatih baru Fandi Ahmad.

Malah, mereka mulakan perjuangan mempertahankan kejuaraan Liga di Pahang Jumaat ini dengan skuad yang meruncing dan dilanda kecederaan.

Tidak hairan jika pasukan-pasukan Malaysia berasa tempoh awal musim ini adalah yang terbaik untuk menggegarkan keyakinan LionsXII. Namun tanpa gerun, LionsXII sedia menanti. Fandi memilih Sufian Anuar dan pemain muda Hafiz Abu Sujad yang berpotensi menjadi tungggak pasukan musim ini.



## SELANGOR

Nama gelaran: Gergasi Merah  
Stadium Shah Alam  
(80,000 penonton)

### 2013 - Naib juara

Jurulatih: Mehmet Durakovic (Australia)  
Pemain bahaya: Andik Vermansyah  
Pemain harapan: Ahmad Hazwan Bakri  
Rekod cemerlang pasukan paling berjaya di seberang Tambak ini memang tidak dinafikan. Almari trofi Selangor sarat dengan piala dan pingat kejuaraan.

Masa depan Selangor tampak cerah dengan penyertaan beberapa pemain muda dari Malaysia dan Indonesia.

Tungggak serangan Harimau Muda, Thamil Arasu Ambumamee dan Ahmad Hazwan Bakri, telah menyertai Gergasi Merah, selain Andik Vermansyah (Persebaya 1927) yang beraksi untuk Indonesia di Sukan SEA bulan lalu.



## JOHOR DARUL TAKZIM

Nama gelaran: Harimau Selatan  
Stadium Larkin, Johor Bahru  
(30,000 penonton)

### 2013 - Ketiga

Jurulatih: César Ferrando Jiménez  
Pemain bahaya: Pablo Aimar  
Pemain harapan: Hariss Harun  
Sesiapa yang ingin merangkul kejuaraan Liga musim ini mungkin perlu menjinakkan Harimau Selatan terlebih dahulu.

Di atas kertas, ia memiliki skuad bermutu yang padat dengan pemain nasional dan antarabangsa dalam setiap bahagian.

Sementara gandingan Baihakki Khaizan dan Mohd Aidil Zafuan Abdul Radzak tampak kukuh, barisan penyerang - Luciano Figueroa yang baru dibeli daripada juara Greece Panathinikos, Safee Sali, Norshahrul Idlan Talaha dan Mohd Amri Yahyah - penuh potensi.

Namun bahagian tengah JDT yang paling mengancam. Bintang Argentina Pablo Aimar dijangka kreatif mencipta peluang gol, dibantu naib kapten Singapura Hariss Harun yang bakal berganding dengan pemain nasional Malaysia seperti Mohd Amirulhadi Zainal (dari Pahang) dan Irfan Fazail (kapten Harimau Muda).



## Kelantan

Nama gelaran: Kijang Emas,  
The Red Warriors  
Stadium Sultan Muhammad IV,  
Kota Bharu  
(22,000 penonton)

### 2013 - Keempat

Jurulatih: Steve Darby (United Kingdom)  
Pemain bahaya: Francis Forkey Doe  
Pemain harapan: Badhri Radzi

Barisan serangan Kijang Emas musim ini dijangka lebih mengancam dengan kehadiran Francis Forkey Doe (dari Selangor) yang menjaringkan sekurang-kurangnya 10 gol sejak mula beraksi dalam MSL dengan Terengganu pada 2012. Walaupun kehilangan beberapa pemain utama musim ini, Kelantan yang kini dibimbang oleh jurulatih Steve Darby (bekas jurulatih Home United) berjaya mengekalkan kapten tungggak tengah Badhri Radzi, yang terkenal dengan hantaran jarak jauh 'Gelombong Boya' yang mampu memperdayakan pertahanan.



## PAHANG

Nama gelaran: Tok Gajah  
Stadium Darul Makmur,  
(40,000 penonton)

### 2013 - Kelima

Jurulatih: Ronald Smith (United Kingdom)  
Pemain bahaya: Matias Conti,  
Pemain harapan: Zesh Rehman

Selain penyertaan tiga pemain import, Pahang adalah antara segelintir pasukan MSL yang tidak banyak merombak pasukannya musim ini. Ini bermakna persefahaman antara pemain berpotensi menjadi senjata utama kelab Tok Gajah. Smith hanya mengenal pasti dua bahagian utama untuk diperkuuh - pertahanan dan serangan.

Bekas pemain Liga Perdana England Zesh Rahman (Fullham) dari Pakistan telah dibeli untuk mengetuai barisan pertahanan sementara pemain Nigeria, Dickson Nwakaeme (dari Kelantan), diberi tugas mendapatkan gol.



## Jadual perlawanan LionsXII

### Januari

- 17 : Pahang (Stadium Darul Makmur)
- 21 : KL DRB Hicom FC (Piala FA, di Stadium Bishan)
- 25 : Selangor (Stadium Bishan)
- 28 : Johor Darul Takzim (Stadium Larkin)

### Februari

- 8 : Terengganu (Stadium Jalan Besar) (JBS)
- 15 : ATM FA (Stadium Selayang)

### Mac

- 8 : Kelantan (JBS)
- 15 : Sarawak (Stadium Negeri)
- 22 : Selangor PKNS (JBS)
- 25 : Perak (Stadium Perak)
- 29 : T-Team (JBS)

### April

- 5 : Sime Darby FC (Stadium Selayang)
- 12 : Sime Darby FC (JBS)
- 15 : Pahang (JBS)
- 19 : Selangor (Stadium Shah Alam)

### Mei

- 10 : Johor Darul Takzim (JBS)
- 17 : Terengganu (Stadium Sultan Ismail Nasiruddin Shah)
- 24 : ATM FA (JBS)

### Jun

- 10 : Kelantan (Stadium Sultan Mohamad ke-IV)
- 14 : Sarawak (JBS)
- 17 : PKNS FC (Stadium Shah Alam)
- 21 : Perak (JBS)
- 25 : T-Team (Stadium Sultan Ismail Nasiruddin Shah)



## SARAWAK

Nama gelaran: Ngap Sayot,  
Stadium Negeri Sarawak, Kuching

### 2013 - Juara Liga Perdana

Jurulatih: Robert Alberts (Holland)  
Pemain bahaya: Alireza Abbasfard (Iran)  
Pemain harapan: Ashri Chuchu

Sarawak menerima gelaran 'The Invincibles' tahun lalu selepas menamatkan musim Liga Perdana tanpa kalah. Ia menang 18 kali dan seri empat kali.

Penyerang Bosnia, Muamer Salibasic, dan pemain dijangka berganding dengan pemain Iran Alireza Abbasfard (Rah Ahan FC) Serbia Milorad Janjus (Danang FC) untuk memburu gol musim ini.

